

**Talamdan sa
Mga Mensahe alang sa Full-time Training
sa Spring Term sa 2025**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
EFESO**

Mensahe 16

**Mahigugma ni Ginoong Jesucristo sa Walay Pagkadaot
Aron Maumolan Ta ni Cristo para Mahimong Pangasaw-onon Niya**

Basahong Kasulatan: Efe. 6:24; Bug. 2:4-5; Col. 1:18b; 2 Cor. 5:14-15; Mar. 12:30; Sal. 73:25-26

I. Alang sa iglesiahonong kinabuhi higugmaon gyod nato ang Ginoo sa walay pagkadaot aron maumolan ta ni Cristo para mahimong pangasaw-onon Niya—Efe. 6:24; 5:25-27:

- A. Segun sa paggamit sa *walay pagkadaot* sa mga sinulat ni Pablo, labi gyong nagpasabot sa Dios ug sa mga butang sa Dios kining mga pulonga; madaot ang tanang natural, apan dili madaot ang Dios, ang diosnong kinabuhi, ug ang tanang butang nga naa sa pagkabanhaw—1 Tim. 1:17; 2 Tim. 1:10; 1 Cor. 15:42, 52-54.
- B. Ang paghigugma nato sa Ginoo sa walay pagkadaot paghigugma man Kaniya diha sa bagong kabuhatan, dili sa daang kabuhatan, aron makapahimulos ta Niya nga grasya—Efe. 2:15; 6:24; 2 Cor. 5:17.
- C. Ang paghigugma nato sa Ginoo sa walay pagkadaot paghigugma man Kaniya diha sa gipanganak pag-usab ug gibag-o nga espiritu nga gipuy-an sa Espiritu Santo—Juan 3:6; 1 Cor. 6:17; 2 Tim. 1:7.
- D. Ang paghigugma nato sa Ginoo sa walay pagkadaot nagpasabot sa paghigugma Kaniya segun sa tanang butang nga dili madaot nga gipadayag sa Efeso:
 1. Naghisgot ang Efeso sa pagpaambit sa Tulo-usang Dios aron mapalugwa ang iglesia (1:3-23; 3:16-21), sa pagkamao ni Cristo ug sa tanang nahuman Niya alang sa iglesia (1:7; 2:13-18; 5:25-27, 29), ug sa iglesia nga Lawas ni Cristo, nga pangasaw-onon ni Cristo, ug nausa ni Cristo sa kalangitan (1:22-23; 5:23, 25-27; 2:6).
 2. Walay pagkadaot kining tanang butanga, ug kon mahigugma ta ni Ginoong Jesus ning tanang butanga, dili gyod madaot ang gugma nato Kaniya (6:24); dili natural kanang gugmaha; gugma kini nga naa sa pagkabanhaw, ang gugma nga mao ang Dios mismo diha sa kinaiya sa Iyang diosnong pagkamao (1 Juan 4:8, 16).
- E. Gibiyaan sa iglesia sa Efeso ang Ginoo nga iyang unang gugma, nagpasabot nga wala niya Siya paunaha sa tanang butang (Bug. 2:4-5; Col. 1:18b; Sal. 27:4; Jos. 9:14; 2 Cron. 20:12-13); kanang pagkapakyasa ang nahimong kinadak-ang hinungdan sa pagkapakyas sa iglesia sa tanang katuigan (Bug. 2:1-7; Mat. 24:12; Mar. 12:30-31; itandi sa Dan. 7:25):
 1. Ang tinuod nga pagpangalagad sa Bagong Tugon kanunay nga nagdasig nato nga mahigugma ni Ginoong Jesus sa unang gugma, naglig-on nato diha sa kayano sa pagpahimulos kang Cristo nga atong sangkap sa kinabuhi—2 Cor. 11:2-3; 3:3-6.
 2. Nibiya ang kaiglesiahon sa Asia, lakip na ang iglesia sa Efeso, sa pagpangalagad ni apostol Pablo nga nagsaad kanila nga ipaasawa ni Cristo (Efe. 6:24; 2 Tim. 1:15; 2 Cor. 11:2-3); mga 26 ka tuig human niadto, sa pagsulat ni apostol Juan sa sulat alang sa iglesia sa Efeso, nibiya na sila sa ilang unang gugma ug nawad-an sa tinuod nga

pagpahimulos ni Cristo, nga niresulta sa pagkawala sa panghimatuod sa Ginoo (Bug. 2:4-5, 7).

II. Ang paghigugma nato ni Ginoong Jesus sa walay pagkadaot paghigugma man Kaniya sa unang gugma, sa labing maayong gugma, nga magpauna Niya sa tanang butang, kay gipugos man sa Iyang gugma nga magtagad ug maghimo Niya nga tanan sa atong kinabuhi—v. 4; Col. 1:18b; 2 Cor. 5:14-15; Mar. 12:30; Sal. 73:25-26; 80:17-19:

- A. Ang sinugdanan sa gugma sa tanan alang sa Ginoo mao ang panan-awon sa Iyang persona; ang gugma ra gyoy makaamping nato sa hustong relasyon tali sa Ginoo—Fil. 3:8; Mat. 26:6-13; Efe. 3:16-19; 6:24; Bug. 2:4-5; itandi sa 3:20.
- B. Ang paghigugma nato sa Ginoo sa unang gugma, ang pagpauna Kaniya sa tanang butang, paghinulsol ug pagbuhat man sa unang mga buluhaton; ang unang mga buluhaton mao ang mga buhat nga lugwa sa unang gugma—2:5; 1 Tes. 1:3; 2 Cor. 4:5:
 - 1. Sa Awit sa Mga Awit ang gugma maoy bandila sa Ginoo ibabaw nato, nga nagpasabot nga ang gugma maoy atong panultion ug nga gibasi sa paghigugma nato sa Ginoo ang tanang gibuhay nato; “nagsakit [sab]...tungod sa gugma” ang matinguhaon sa Awit sa Mga Awit, nagpasabot nga malipayon siya diha sa Ginoo nga gugma, hangtod nga naluya na kaayo siya—2:4-5.
 - 2. Ang gugma sa Dios diha ni Cristo bandila nga gibuklad ibabaw nato, nga nagpakita, nagpasundayag, nga kitang gihigugma sa Dios kanunay gyong labaw pa sa mga mananaog—Rom. 8:31-39.
 - 3. Duna tay gugma nga modaog sa tanang butang kon magkinabuhi ta diha sa Iyang gugma.
 - 4. Kon gibiyaan nato ang atong unang gugma sa Ginoo ug dili maghinulsol ug mobuhat sa unang mga buluhaton, mawad-an ta sa panghimatuod sa Ginoo, ug kuhaon ang tangkawan gikan nato.
- C. Ang paghigugma nato sa Ginoo sa unang gugma, ang pagpauna Kaniya sa tanang butang, pagkaanaa man natoy personal, mabination, pribado, ug espirituhanong relasyon sa Ginoo—A. A. 1:1-4.
- D. Ang paghigugma nato sa Ginoo sa unang gugma, ang pagpauna Kaniya sa tanang butang, pagkinabuhi man sa adlaw-adlawng kinabuhi nga nadasig pag-usab sa buntag aron matagbaw nato si Cristo sa pagkahimo natong Iyang mga batan-ong lalaki nga sama sa yamog gikan sa tagoangkan sa kadlawon (Sal. 110:3), aron maanaa tay dila sa tinudloan nga makamao mopabaskog sa naluya pinaagi sa pulong (Isa. 50:4-5), ug aron makapakig-ambitay ta sa Dios, magtinguha sa kabubut-on ug gikahimut-an sa Dios alang sa Iyang pag-alagad sa ebanghelyo (Mar. 1:35).
- E. Ang paghigugma nato sa Ginoo sa unang gugma, ang pagpauna Kaniya sa tanang butang, pagkinabuhi man sa adlaw-adlawng kinabuhi nga naghalad, nahimong mga Nasareo karon, nga bug-os gyong naginahin ngadto sa Dios ug nasuropan sa Dios aron mopanalangin sa mga anak sa Dios sa pagpaambit Kaniya diha sa Iyang Diosnong Trinidad ngadto nila—Sal. 110:3; Num. 6:1-9, 22-27.
- F. Ang paghigugma nato sa Ginoo sa unang gugma, ang pagpauna Kaniya sa tanang butang, pagkinabuhi man sa kinabuhing nag-ampo—1 Sam. 12:23; Mat. 6:6; 14:22-23; Dan. 6:10; 2:17-18; 1 Tim. 2:1; 2 Tim. 1:3; 1 Tes. 5:17.
- G. Ang paghigugma nato sa Ginoo sa unang gugma, ang pagpauna Kaniya sa tanang butang, paghigugma, pagmahal, ug pagpamalandong man nato sa pulong sa Dios—Sal. 119:11, 14-15, 23, 48, 72, 78, 97, 99, 111, 113, 119, 127, 140, 147-148, 159, 162-163, 165, 167.

- H. Ang paghigugma nato sa Ginoo sa unang gugma, ang pagpauna Kaniya sa tanang butang, pagpadumala man sa direkta, primera manong presensya sa Ginoo—Exo. 33:11, 14; 13:21-22; 2 Cor. 2:10.
- I. Ang paghigugma nato sa Ginoo sa unang gugma, ang pagpauna Kaniya sa tanang butang, paghigugma man nato sa iglesia diha sa nahigugma-sa-iglesia nga Cristo—Efe. 5:25; 2 Cor. 12:15; 1 Cor. 16:24.
- J. Ang paghigugma nato sa Ginoo sa unang gugma, ang pagpauna Kaniya sa tanang butang, paghigugma man nato sa pagpangalagad nga nagtukod sa iglesia—2 Cor. 8:5; 1 Juan 1:3; Efe. 4:11-12.
- K. Ang paghigugma nato sa Ginoo sa unang gugma, ang pagpauna Kaniya sa tanang butang, pagkinabuhi ug paggawi man pinaagi sa Espiritu, mag-alagad pinaagi sa Espiritu, ug ipangalagad ang Espiritu—Gal. 5:25; Fil. 3:3; 2 Cor. 3:6; Zac. 4:6; Huk. 9:9; itandi sa 1 Sam. 2:30b.
- L. Ang paghigugma nato sa Ginoo sa unang gugma, ang pagpauna Kaniya sa tanang butang, paghimo man Kaniyang tuboran sa buhing mga tubig; ang tuyo sa Dios sa Iyang pamatigayon pagkahimo mang tuboran, tinubdan, sa buhing mga tubig nga magpaambit Kaniya ngadto sa pinili Niyang katawhan aron matagbaw ug makapahimulos sila ug mapalugwa ang iglesia, nga kapikas sa Dios, pagtubo sa Dios, pagdako sa Dios, nga mahimong kahupnganan sa Dios nga magpadayag Niya—Jer. 2:13; Juan 4:14b.
- M. Ang paghigugma nato sa Ginoo sa unang gugma, ang pagpauna Kaniya sa tanang butang, pagkaon man Kaniya nga kahoy sa kinabuhi; ang pagkaon kang Cristo nga kahoy sa kinabuhi, sa ato pa, ang pagpahimulos kang Cristo nga atong sangkap sa kinabuhi, mao gyod untay unang butang diha sa iglesiahanong kinabuhi—Bug. 2:7.
- N. Ang paghigugma nato sa Ginoo sa unang gugma, ang pagpauna Kaniya sa tanang butang, pagduol man Kaniya kanunay aron mokontak Niya, mokuha Niya, modawat Niya, motilaw Niya, ug mopahimulos Niya—Isa. 57:20, nota 1.
- O. Ang paghigugma nato sa Ginoo sa unang gugma, ang pagpauna Kaniya sa tanang butang, paghimo man Kaniya nga atong sentro—ang sentrong nagkupot nato—ug uniberso nato—ang atong tanan; himoon gyod nato Siyang sentro, sulod, ug palibot sa atong personal nga uniberso—Col. 1:17b, 18b.
- P. Ang paghigugma nato sa Ginoo sa unang gugma, ang pagpauna Kaniya sa tanang butang, pagtinguha ug pagdesider gyod nato nga makaangkon sa dungog nga makapahimuot Niya sa tanang butang—2 Cor. 5:9; Col. 1:10; Heb. 11:5-6.
- Q. Ang paghigugma nato sa Ginoo sa unang gugma, ang pagpauna Kaniya sa tanang butang, pagkaanaa may tin-awng langit sama sa makalilisang nga kristal nga naay sapirong trono sa Dios ibabaw niini; nagpasabot kini nga walay nag-ulang tali nato ug sa Dios ug nga napuno ta sa langitnong palibot, kahimtang, ug sitwasyon sa nagdumalang presensya Niya—pabut-on ug paharion Siya sa atong sulod—Ezeq. 1:22, 26.
- R. Ang paghigugma nato sa Ginoo sa unang gugma, ang pagpauna Kaniya sa tanang butang, pagkupot man Kaniya nga Ulo, kanunayng suod nga nadugtong Niya ug nagpalingkod Niya sa trono ingon nga magbubuot ug tigdesider sa tanang butang sa atong kinabuhi—Col. 2:19.
- S. Ang paghigugma nato sa Ginoo sa unang gugma, ang pagpauna Kaniya sa tanang butang, pagpatambag man ni Jehova sa matag detalye sa atong Cristohanong kinabuhi ug buhat—Jos. 9:14; Fil. 4:6-7.
- T. Ang paghigugma nato sa Ginoo sa unang gugma, ang pagpauna Kaniya sa tanang butang, pagpauna man sa agay sa kinabuhi, sa agay ni Ginoong Jesus sa sulod nato, sa tanang

pagkamao ug gibuhat nato; Siya dayon ang nagsidlak, nagtubos, naghari, nag-agay, ug nagsangkap sa sulod nato—Ezeq. 47:1; Bug. 22:1-2.

- U. Ang paghigugma nato sa Ginoo sa unang gugma, ang pagpauna Kaniya sa tanang butang, kana mang magpadominar, magpadumala, magpamando, magpagiya ta sa nasagol nga espiritu ug palihokon ta niini, magtagad sa pahulay sa atong espiritu sa pagkahimo natong mga binihag Niya ug mag-ampo nga, “Ginoo, himoa kong binihag Nimo; ayaw gyod ko padag-a; pildiha ko kanunay”—2 Cor. 2:13-14.
- V. Ang paghigugma nato sa Ginoo sa unang gugma, ang pagpauna Kaniya sa tanang butang, pagpalingkod man Niya sa trono pinaagi sa atong mga pagdayeg; ang pagdayeg maoy kinalabwang buhat sa mga anak sa Dios—Sal. 22:3; 119:164; 34:1.